

Zeitschrift: Bündner Schulblatt = Bollettino scolastico grigione = Fegl scolastic grischun
Herausgeber: Lehrpersonen Graubünden
Band: 73 (2011)
Heft: 3: Prüfungsangst

Rubrik: Pagina Rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 14.03.2025

ETH-Bibliothek Zürich, E-Periodica, <https://www.e-periodica.ch>

Prouvas ed examens

Ün o tschel impissamaint per magistras ed -ers.

LINARD MARTINELLI



Examens d'admissiun al gimnasi:

I dà examens d'admissiun unifichats per nossas scoulas medias. Tals examens d'admissiun sun flottas chosas.

I dan la basa per üna scolaziun intensiva da las candidatas. Quels cuors chi vegnan sports mainan guadogn a las instituziuns involucadas. Implü pussibilteschna al Chantun da definir üna quota da maturità. Forsa eir daplü, almain in teoria.

Las Conferenzas han criticchè cun radschun la pussibilità da definir la lingua i'l examen. Scha las scoulas rumantschas sajan per definiziun bilinguas schi am paressa güst, cha quellas duos linguas vegnan resguardadas adequatamaing! Schi nu's po far duos examens pels candidats da las scoulas bilinguas schi as pudessa forsà resguardar la prestaziun in tschella lingua in scoula. Siond consciaint chi nu vain dat scoula ed examinà in tuot il chantun istess. O füss quai üna schanza?

Examens da lingua a la SAP

Avant bundant ün on vaina gnü la prim'occurenza cumünai vla da las trais Conferenzas. Avant, d'ürant e davo quel podi paraiva cha las competenzas linguisticas i'l rumantsch da las studentas sajan da tschel muond. Savair san magistras da practicum e manadras da scoula meglder co eu.

Schi, la SAP nun es plü il seminari cun üna scolaziun da lingua integrala. Sch'eu pens però vi dals curriculum linguistics pussibels ed impossibels chi pon finir cun üna studenta a la SAP schi am dumonda? Eu am dumond scha propcha tuot las maturandas bilinguas vöglian dvantar magistras da rumantsch. E che capita cun tuot quellas chi fan ün'otra scolaziun o giarsunadi sainza rumantsch però vöglian? E co staja cun las magistras dal s-chalin

ot, o dafatta quel gimnasial? Ingio vana lura per lur cugnuoschentschas universitaras dal rumantsch? Fana insomma dabsögn, lura?

E cun quai capitan las prosmas dumondas. Che laina ragiundscher illa scoula populara, il nivel A2 o C2, in rumantsch? Dessan las scolaras savair far cumischiuns in rumantsch? Schabain cha vi e main impiegadas da detagl san vender per rumantsch...

O las tradiziuns. Eu sa da m'imaginar co cha la tradiziun sursilvana pudess funcziunar perquai ch'eu cugnuosch il «Schaibinschlogn» dal Vnuost. E tschellas tradiziuns? Che cuntgnüts dess la Scoula rumantscha, per definiziun bilingua, tra-dir, dimena dar inavant. Che sto il futur Rumantsch savair? Dschond quist presüma cha'l rumantsch haja avegnir! Chi respuonda? La ledscha da scoula nouva e sias discussiuns o'l Plan 21? O eschan forsà perfin nus, las Conferenzas, legitimadas?

E per finir quist tema: Ingio imprendan las futuras magistras quai chi gnarà lura defini sco via e böt illas scoulas rumantschas?

Checkitis

Finalmaing amo ün'idea fixa. Ils affars fan basic-checks e multichecks per savair che candidata tour e chenüna nöglia. I fan quai perquai cha noss attestats nu tils quintan plü avuonda. Eu n'ha la soluziun chi schoglia quistas ed otras difficultats sül s-chalin ot. Nus introduain ün diplom da scoula populara. Perche brich – in gön vaina temp avuonda!